

REPUBLIKA E KOSOVËS/REPUBLIKA KOSOVA/REPUBLIC OF KOSOVO
Qeveria e Kosovës / Vlada Kosova / Government of Kosovo
Ministria e Financave / Ministarstvo za Finansije
Ministry of Finance
Arkiva - Arhiva - Archive

Nr. i Org. Org. Jedin. Org. Unit: 02 mapli
Nr. i Prot. Nr. Prot. Prot. No.: 1611-29/2022
Nr. i faqeve Broj stranica No. pages: 10.08.2022
Dolose: PRISTINE/A



Republika e Kosovës
Republika Kosova - Republic of Kosovo
Qeveria - Vlada - Government

*Ministria e Financave, Punës dhe Transfereve - Ministarstvo Finansija, Rada i Trasfera -
Ministry of Finance, Labour and Transfers*

Për:	Ramiz Lladrovci , Kryetari i Komunës së Drenasit	
	Milaim Hajdari , Kryesues i Kuvendit të Komunës	
Kopje:	Elbert Krasniqi , Ministër në Ministrinë e Administrimit të Pushtetit Lokal	
	Venera Çerkini , Zv. Sekretare e Përgjithshme, Ministria e Administrimit të Pushtetit Lokal	
	Njësia për Administrimin e Dokumenteve, Ministria e Administrimit të Pushtetit Lokal	
Përmes:	Resul Makreshi , Zv. Ministër në Ministrinë e Financave, Punës dhe Transfereve	
	Enis Spahiu , Zv. Sekretar i Përgjithshëm, Ministria e Financave, Punës dhe Transfereve	
Nga:	Klit Shala , Zv. Drejtor i Departamentit Ligjor, Ministria e Financave, Punës dhe Transfereve	Date: 05.08.2022
Zyrtarët përgjegjës:	Referencë: 180/2022	
1. Zyrtari hartues i vlerësimit ligjor	Bora Duli , Zyrtare e Lartë Ligjore, Ministria e Financave, Punës dhe Transfereve	
2. Zyrtari konfirmues i vlerësimit ligjor	Kimete Zekaj , Zyrtare e Lartë për Politika Buxhetore, Ministria e Financave, Punës dhe Transfereve	
Lënda:	Konfirmimi i ligjshmërisë së aktit të Komunës së Drenasit	
Lloji i aktit:	Vendim	

I nderuari Kryetar z. Lladrovci,
I nderuari Kryesues z. Hajdari,

Në pajtim me Rregulloren e Qeverisë së Republikës së Kosovës Nr. 10/2019 për Shqyrtimin Administrativ të Akteve të Komunave, plotësuar dhe ndryshuar me Rregulloren (QRK) Nr. 06/2021, e në bazë të kompetencave ligjore të Ministrisë, të përcaktuara me ligjet bazike dhe Rregulloren e Qeverisë së Republikës së Kosovës Nr. 02/2021 për Fushat dhe Përgjegjësitë Administrative të Zyrës së Kryeministrit dhe Ministrive, plotësuar dhe ndryshuar me Rregulloren (QRK) Nr. 04/2021, Departamenti Ligjor i Ministrisë së Financave, Punës dhe Transfereve, ka pranuar për shqyrtim të detyrueshëm të ligjshmërisë, ashtu siç parashihet me nenin 81 të Ligjit Nr. 03/L-05 Për Vetëqeverisje Lokale, aktin komunal si në vijim:

Vendimin nr.02-400/01-38623 për bartjen e mjeteve financiare nga kategoria rezervë
<i>I miratuar më datë 27.07.2022</i>
<i>I parashtruar për shqyrtim në Ministrinë e Administrimit të Pushtetit Lokal më datë 28.07.2022</i>
<i>I dërguar për shqyrtim në Ministrinë e Financave, Punës dhe Transfereve më datë 29.07.2022</i>

Ministria e Financave, Punës dhe Transfereve (këtej e tutje referuar si “**Ministria**”), pas shqyrtimit të përmbajtjes së aktit të mësipërm të Komunës së Drenasit, jep konstatimet ligjore të mëposhtme:

1. Me anë të aktit administrativ komunal që është subjekt i shqyrtimit, Komuna e Drenasit ka synuar transferin e mjeteve financiare nga kategoria ekonomike ‘rezerva’ në kategorinë ‘shpenzime kapitale’.
2. Për qëllime të këtij vlerësimi, është relevante të theksohet se procesi i transferimit të mjeteve financiare evidentohet edhe në legjislacionin që bie në fushëveprimin e Ministrisë së Financave, Punës dhe Transfereve, si por duke mos u kufizuar në dispozitat e Ligjit Nr. 08/L-066 mbi Ndarjet Buxhetore për Buxhetin e Republikës së Kosovës për vitin 2022 (këtej e tutje referuar si ‘Ligji i Buxhetit 2022’), Udhëzimet Administrative Nr.04.2029 për Definimin e Projekteve Kapitale dhe Klasifikimin e Shpenzimeve të Projekteve Kapitale dhe Udhëzimit Administrativ Nr. 06/2019 për Kriteret Përzgjedhëse dhe Prioritizimin e Projekteve Kapitale (këtej e tutje referuar si ‘Udhëzimet Administrative’).
3. Kështu, në kuptim të transferit të mjeteve, neni 15, paragrafi 10 dhe 11 i Ligjit të Buxhetit 2022 përcakton se mjetet mund të barten dhe/apo transferohen në cilëndo kategori të shpenzimeve për të mundësuar zbatimin e një vendimi të formës së prerë nga autoritetet përmbartimore, si në vijim:

Neni 15

Transferi i shumave të ndara buxhetore

10. Mjetet nga “Rezerva” e OB-së mund të barten në cilëndo kategori të shpenzimeve për të mundësuar zbatimin e një vendimi të formës së prerë nga autoritetet përmbartimore. Këto lëvizje të buxhetit nuk janë subjekt i kufizimeve të transfereve të përfshira në nenin 30 të LMPPP-së dhe nenit 16 të këtij ligji.

4. Logjika e ndjekur me këtë dispozitë është se transferi mund të realizohet në cilëndo kategori të shpenzimeve vetëm atëherë kur kemi një vendim të formës së prerë nga autoritetet përmbarimore për t'u zbatuar.
5. Kjo aludon se rregulla të tjera aplikohen në mungesë të një vendimi të tillë. Kështu që, me paragrafin 11 të nenit 15 të Ligjit të Buxhetit 2022 përcaktohet se në rastet kur nuk kemi obligim të tillë përmbarimor për t'u zbatuar, mjeteve nga 'rezerva' mund të ndahen në kategorinë e 'shpenzimeve kapitale', në përputhje me Udhëzimet Administrative sipas paragrafit 2 të këtij vlerësimi.
6. Nisur mbi premisat e këtij argumentimi, mbetet evidente se organizata buxhetore i ka transferuar mjetet nga kategoria e 'rezervës' në kategorinë e 'shpenzimeve kapitale'. Rrjedhimisht, vendimi komunal i nxjerrë nga Komuna e Drenasit mbetet i ligjshëm dhe si i tillë mund të zbatohet.
7. Si përfundim, Ministria konstaton se **akti i komunës së Drenasit është në përputhje me legjislacionin në fuqi** - mirëpo realizimi i suksesshëm i tyre kushtëzohet me përputhshmërinë e materialeve përcjellëse të lëndëve të proceduara nga Komuna në raport me udhëzimet dhe/apo rekomandimet e Departamentit të Buxhetit. Kjo nënkupton se vendimet e organizatave buxhetore mund të pësojnë ndryshime, konform rekomandimeve teknike të dhëna nga Departamenti i Buxhetit në Ministri.

Ministria mbetet në dispozicion të Komunës së Drenasit dhe/apo Ministrisë së Administrimit të Pushtetit Lokal për çfarëdo sqarimi të mëtejshëm lidhur me këtë vlerësim.

Me respekt!

Interpretimi i dhënë nga Ministria e Financave, Punës dhe Transfereve përkitazi me këtë çështje mbështetet vetëm në këndvështrimet që prekin fushëveprimin legjislativ të Ministrisë së Financave, Punës dhe Transfereve